

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 07/12/2023

Pwynt Agenda	Prif drafodaeth	Pwyntiau Gweithredu
1. Croeso ac Ymddiheuriadau	Presennol Bill Davies, Cris Tomos (Cadeirydd), Eirlys Twigg, Emyr Thomas, Hywel Lewis, Roger Howells Bethan Williams (Clerc) Ymddiheuriadau Aled Johnston, Arwel Llywelyn, Iwan Evans, Melony Richards, Robin Davies, Shôn Rees	
2. Cofnodion cyfarfod blaenorol – Cynnig ac eilio	Cynigiodd Hywel eu bod yn gywir, eiliodd Bil ac fe'u derbyniwyd fel cofnod cywir.	
3. Materion yn codi o'r cofnodion	i) Camera wrth Neuadd y Farchnad • Cafwyd dyfynbris o £888, yn cynnwys TAW, am ddau gamera i gadw golwg ar y tŷ bach yng Nghrymych a'r gwaith gosod. • Cytunwyd i fynd amdani. • Dydy'r cyngor ddim wedi cofrestru ar gyfer TAW o hyd, ond mae angen gwneud er mwyn gallu hawlio TAW yn ôl ar daliad fel hyn. • Bydd angen sicrhau bod arwyddion yn cael eu gosod i ddweud bod camerâu ar waith. (ii) Ymatebydd cyntaf • Cytunwyd yn y cyfarfod diwethaf i ddanfon llythyr at Eluned Morgan	Bethan i drefnu archebu'r camerâu a chofrestru i hawlio TAW

	i godi pryder nad oedd y yr ymatebydd cyntaf yn cael ei alw mas fel dylai. • Rydyn ni wedi cael sicrwydd o ymateb ganddi fel Gweinidog Iechyd ond heb dderbyn ymateb eto. • Mae John Cwmbetws ac Euros Edwards ar ran y Gwasanaeth Tân yn edrych mewn i hyn hefyd. • Mae pryder y gallai'r Ymatebydd Cyntaf fod dan fygythiad. Byddai angen atal hynny rhag digwydd. • Y gymuned sydd biau'r cerbyd ei hun, felly os yw'r arian ar gyfer y gweithwyr yn cael ei golli cytunwyd i edrych ar bosibiliadau ariannu'r gwasanaeth trwy'r gymuned. (iii) Lwfans i gynghorwyr • Mae cynghorwyr tref Hwlfordd yn derbyn £150 o gyfraniad yn flynyddol. • Rydyn ni'n dal i aros i glywed gan gynghorau eraill yn lleol. (iv) Sunny Hill • Cytunwyd yn y cyfarfod blaenorol i ddanfôn llythyr at Adnoddau Naturiol Cymru am yr holl geir ac ati wrth Sunny Hill yn Llanfyrnach. Mae'r llythyr wedi ei baratoi ond heb ei ddanfôn eto. Mae Bill wedi cynnig cynnwys cwestiwn a oes SORN ar y ceir a danfon y llythyr at adran priffyrdd y cyngor hefyd, • Mae'r heddlu wedi bod allan yn y gorffennol hefyd. Cytunwyd i gysylltu gyda'r heddlu cymunedol eto felly.	Bethan i drefnu danfon y llythyr at Adnoddau Naturiol Cymru a chysylltu gyda'r heddlu ac adran priffyrdd y cyngor
4. Gohebiaeth	(i) Gwerin Fel Na Mai Fe wnaeth Bill a Cris ddatgan diddordeb gan eu bod ar bwyllgor trefnu gŵyl Fel Na Mai • Cafwyd cais am gefnogaeth i ddigwyddiad gwerin ym mis Mawrth. • Cynigiwyd cyfrannu £100 a chytunwyd yn unfrydol i roi £100	

	(ii) Eisteddfod yr Urdd 2024 - Nodwyd ein bod y cyngor cymuned yn cefnogi aelwydydd ac ysgolion lleol i fynd i Eisteddfod yr Urdd fel arfer ac mai dyna'r bwriad eleni eto. (iii) Clebran Fe wnaeth Cris ddatgan diddordeb gan ei fod yn ysgrifennydd ar bapur bro Clebran - Cynigiwyd rhoi £100 ar yr amod bod sicrhau ei fod yn mynd at waith y papur bro. - Cytunwyd yn ddiwrthwynebiad. (iv) Hamper Nadolig - Mae'r clwb busnes yng Nghymrych yn trefnu cystadlaethau addurno siop a thŷ a chafwyd cais am am arian tuag at wobr o hamper ar gyfer un gystadleuaeth. - Cynigiwyd £30 tuag at hynny a chytunwyd yn ddiwrthwynebiad.	Bethan i drefnu cyfraniadau i Gwerin Fel 'Na Mai, Clebran a'r Clwb Busnes
5. Ariannol	(i) Datganiad banc Tachwedd - Roedd £19,509.28 yn y banc ar ddiwedd mis Tachwedd (ii) Anfoneb Menshed - Daeth anfoneb am £596.67 am drwsio chwe mainc ac un hysbysfwrdd - Mae hysbysfwrdd Llanfyrnach a Hermon yn gollwng dŵr o hyd er hynny. Mae angen codi hynny gyda'r Menshed.	
6. Cynllunio	(i) Relocation of eco-home dwelling on plot 4, known as Calon Draig - Tir Y Gafel, Glyndwr Doedd dim gwrthwynebiad felly cytunwyd nad oedd angen cyflwyno unrhyw sylwadau.	

7. Rhandiroedd Hermon	• Mae tri wedi penderfynu peidio cadw rhandir a dau wedi talu. • Mae un wedi dweud bod bwriad cadw'r rhandir ond heb dalu felly mae angen dilyn lan. • Mae un person wedi cysylltu sawl gwaith i holi am randir, pan fydd un ar gael felly cytunwyd i roi gwybod bod un ar gael. • Bydd un arall ar ôl wedyn. • Mae Roger wedi ffeindio copi papur o reolau ar gyfer defnyddio'r rhandir, mae angen ei rannu â phawb felly.	Bethan i drefnu bod copi o reolau ar gyfer defnyddio'r rhandir yn mynd at bawb
8. UFA	(i) Golau • Dydy rhai o'r goleuadau wrth y Ganolfan Iechyd ddim yn gweithio ac angen eu trwsio. (ii) Cinio Nadolig • Cytunwyd i gael cinio Nadolig ar nos Sadwrn 13/12 i gyd-fynd â'r Hen Galan, ac i gefnogi'r Crymych Arms. (iii) Tai Fferm Villa • Mae sôn bod rhai o'r tai sy'n cael eu hadeiladu ar dir Fferm Villa yn mynd i Gyngor Birmingham i gartrefu pobl ar eu rhestr aros nhw am dai. • Cytunwyd i holi am wybodaeth gan Barcud.	Bethan i roi gwybod i Shôn am y golau Cris i roi gwybod i bawb oedd ddim yn y cyfarfod a threfnu gyda'r Crymych Arms Cris i gysylltu gyda Barcud i ofyn am wybodaeth bellach am dai Fferm Villa
11. Dyddiad a Lleoliad y Cyfarfod Nesaf	Fydd dim cyfarfod ym mis Ionawr yn ôl yr arfer, bydd y cyfarfod nesaf ym mis Chwefror 7.30pm Nos Iau Chwefror 1 Llyfrgell Crymych	